

Završeni svi imovinski zahtjevi u Loparama, Sekovicima, Kresevu and Srbcu

Organizacije koje su uključene u implementaciju imovinskih zakona, OHR, OSCE, UNHCR, CRPC i UNMIBH, pozdravljaju službe za imovinska pitanja u Loparama, Sekovicima, Kresevu i Srbcu, a koje su završile sve imovinske zahtjeve predate u njihove urede. Na taj način ove službe su stvorile uslove za povratak građana u njihove prijeratne domove, kao i dokazale da je potpuna implementacija imovinskih zakona ipak moguća. Iako ovo nisu prve općine koje su u potpunosti riješile svoje imovinske slučajeve, one su prve općine koje su završile više od nekolicine imovinskih zahtjeva.

Lopare su imale 833 zahtjeva, Srbac 222 i Sekovici i Kresevo 148 svaki, te ih ovi podaci čine prvim općinama u BiH sa većim brojem imovinskih zahtjeva a koje su u potpunosti završile proces implementacije imovinskih zakona. Ove činjenice su u skladu sa općim napretkom u Federaciji i Republici Srpskoj u provođenju imovinskih zakona od početka 2002. godine. Kao posljedica toga, Republika Srpska se približava brojkama iz Federacije; razlika u implementaciji je sada 10%, u odnosu na razliku od 18% na početku godine.

PLIP organizacije očekuju da državne, entitetske i kantonalne vlasti podrže općinske vlasti u implementaciji tkz. novog strateskog smjera, a kako bi i ostale općine slijedile primjer Lopara, Sekovica, Kreseva i Srbca. Od 10. oktobra nikakve prepreke provedbi imovinskih zakona neće biti tolerirane.

Kao dio novog strateskog smjera za implementaciju imovinskih zakona, PLIP organizacije će nastaviti tretirati svako odstupanje od implementacije imovinskih zakona kao opstrukcije potpunoj implementaciji Daytonskog mirovnog sporazuma.